



Broj: 02-326 /17
Datum: 21-09-2017

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16), člana 70. Zakona o javnim nabavkama („Službeni glasnik BiH”, broj 39/14) i preporuke Komisije za javnu nabavku opreme za radio vezu (DMR sistem), iz Zapisnika o pregledu i ocjeni ponuda, broj 02-14-4-11306, od 19.09.2017. god., policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
o izboru najpovoljnijeg ponuđača

I

Na osnovu Odluke, broj 02-14-4-1958, od 21.08.2017. godine i obavještenja o nabavci, broj 16475-1-1-18-3-3/17, od 22.08.2017. godine, pokrenut je postupak “Nabavke računarske opreme za potrebe Uprave policije Ministarstva unutrašnjih poslova Kantona Sarajevo, putem otvorenog postupka (Lot 1 – Računarske konfiguracije sa operativnim sistemom, monitori i server, Lot 2 – Štampači i multifunkcionalni uređaji, Lot 3 - Kopir aparati, Lot 4 - Uređaji za neprekidno napajanje).

II

Komisija je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora:

za LOT 1, ponuđaču „PRINTEX“ doo Sarajevo. Vrijednost ponude, nakon provedene elektronske aukcije, za LOT 1 iznosi 113500,00 KM bez PDV-a, odnosno 132795,00 KM sa PDV-om.

za LOT 2, ponuđaču “INTER-COM” doo Zenica. Vrijednost ponude za LOT 2 iznosi 50.907,36 KM bez PDV-a, odnosno 59561,61 KM sa PDV-om.

za LOT 4, ponuđaču „SICON SAS“ doo Tuzla. Vrijednost ponude, nakon provedene elektronske aukcije, za LOT 4 iznosi 5400,00 KM bez PDV-a, odnosno 6318,00 KM sa PDV-om.

III

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

IV

Ova Odluka stupa na snagu danom donošenja.



Obrazloženje

Na osnovu Odluke, broj 02-14-4-1958, od 21.08.2017. godine i obavještenja o nabavci, broj 16475-1-1-18-3-3/17, od 22.08.2017. godine, pokrenut je postupak "Nabavke računarske opreme za potrebe Uprave policije Ministarstva unutrašnjih poslova Kantona Sarajevo, putem otvorenog postupka (Lot 1 – Računarske konfiguracije sa operativnim sistemom, monitori i server, Lot 2 – Štampači i multifunkcionalni uređaji, Lot 3 - Kopir aparati, Lot 4 - Uređaji za neprekidno napajanje). Procijenjena vrijednost nabavke iznosi 209.000,00 KM bez PDV-a (Lot 1 - 130.000,00 KM, Lot 2 - 51.000,00 KM, Lot 3 - 16.700,00 KM, Lot 4 - 11.300,00 KM).

Prema Zapisniku sa otvaranja ponuda od 07.09.2017. godine, za aktivno učešće u postupku dostavljene su ponude od strane ponuđača: „EMC“ doo Sarajevo, „PRINTEX“ doo Sarajevo i „INTER-COM“ doo Zenica, za LOT 1; „PRINTEX“ doo Sarajevo i „INTER-COM“ doo Zenica, za LOT 2; „EXCLUZIVE“ doo Sarajevo i „IMTEC“ doo Sarajevo, za LOT 3; „SICON SAS“ doo Tuzla, „ENERGOINVEST SUE“ dd Sarajevo, „ELUR“ doo Kiseljak i „REBUS“ doo Sarajevo, za LOT 4.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-14-4-11306, od 19.09.2017. god, a nakon provedenog postupka elektronske aukcije u skladu sa odredbama Pravilnika o uslovima u načinu provođenja elektronske aukcije, za LOT 1 i LOT 4.

Pregledom i detaljnom analizom dostavljenih ponuda Komisija je utvrdila da ponuda ponuđača „PRINTEX“ doo Sarajevo, za LOT 2, nije prihvatljiva iz razloga što ne zadovoljava minimalne tehničke zahtjeve navedene u tehničkim specifikacijama tenderske dokumentacije, te se odbacuje u skladu sa članom 68. stav (4) tačka i) Zakona.

Ponude ponuđača „EMC“ doo Sarajevo, „PRINTEX“ doo Sarajevo i „INTER-COM“ doo Zenica, za LOT 1, ponuda ponuđača „INTER-COM“ doo Zenica, za LOT 2 i ponude ponuđača „SICON SAS“ doo Tuzla, „ENERGOINVEST SUE“ dd Sarajevo, „ELUR“ doo Kiseljak i „REBUS“ doo Sarajevo, za LOT 4 sadrže sve elemente tražene tenderskom dokumentacijom, odnosno ispunjavaju sve formalno-pravne, ekonomske i tehničke zahtjeve i zadovoljavaju sve zahtjeve ugovornog organa.

Shodno prethodno navedenom, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16), i tačkom 20. Tenderske dokumentacije, proveden je postupak elektronske aukcije za LOT 1 i LOT 4, dok za LOT 2 nisu ispunjeni uslovi za provođenje postupka elektronske aukcije, s obzirom da je dostavljena samo jedna prihvatljiva ponuda, od strane ponuđača „INTER-COM“ doo Zenica.

Shodno utvrđenom kriterijumu najniža cijena ponude ponuđača „PRINTEX“ doo Sarajevo, za LOT 1, ponuda ponuđača „INTER-COM“ doo Zenica, za LOT 2 i ponuda ponuđača „SICON SAS“ doo Tuzla, su ocijenjene kao najpovoljnije te je Komisija dala preporuku da se prihvate kao najpovoljnije i dodijeli Ugovor navedenim ponuđačima.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom 99. i 101. Zakona o javnim nabavkama.

POLICIJSKI KOMESAR
Generalni inspektor policije

Mevludin Halilović

DOSTAVITI:

1. Komisiji
2. Ponuđačima
3. Odjeljenju za odnose s javnošću,
radi objave na web stranici ugov. organa
4. a/a



[Faint, illegible text from the reverse side of the document is visible through the paper.]